



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Sebaldus Conf. 19. Augusti.

urn:nbn:de:hbz:466:1-44055

ita in morte frequentissimè salutavit. Causam rogatus id solum respondit: *Morientem illa juvabit me.* Neque falsus est. Visus inter Angelorum manus in cælos evolare, auditaque ejuscemodi voces: *Sic fit servienti Deo in munditie & puritate.* A morte multi propitium mortales habuere. Inter hos Dionysium Lusitanorum regem numerant, quem ursus ex equo in ultimum periculum dejecerat. Sed in tempore LUDOVICVS è cælo adfuit, monstravitque Dionysio, qui pugione mortem à se in ursum averteret: Hoc beneficium LUDOVICI gratumque Dionysii animum Ædes sacra extracta & in Æde Epigraphe hæc (LUDOVICO SERVATORI) loquitur. *Ex Lippeloo.*

Si vis terrenas bestias non timere, si vis evitare aves rapaces, voraces vultures, hoc est, aves aëreas, qua sunt nequitie spirituales, elevare à terrâ, terrena desere, sume alas columba, sume pennas divini solis fulgore radiatas. S. Pet. Chryf. ferm. 98.

S. SEBALDUS CONF. 19. Augusti.

REgius sanguis SEBALDVS Sponsam non impari conditione domum duxerat Virgo Virginem & pietatis amans amantissimam ejusdem. Ei sub primam noctem ob oculos SEBALDVS posuit SPONSAM VIRGINEM SPONSVMQUE JOSEPHVM, quos utique non nisi Virgo amor junxisset. Hos olim jam ostendisse, posse lilia casta etiam è thalamo Virgine surgere. Tam gratum celo odorem nisi ipsa invideret, statuisse se hæc miracula iterum orbi ostendere. Nihil poterant gratius audire Virginis aures. Itaque bonum factum! alteræ nuptiæ eâdem nocte fiunt, & virginitas conjugio copulatur. Subinde Romam SEBALDVS abijt,

20. Aug. VITÆ SANCTORVM. 405
abit, & in viâ ecce castitati cibum potumque è
caelo Ales ministrat. In reditu apud Ratisponen-
ses foco, cum ligna deessent, glacies inservit, &
adeò virtuti jam unda flammam præbet. Quid?
pallio instrato Istrum trajicit (Nymphis credo ca-
stitati plaudentibus) talisque nauta oculos alteri
nautæ immeritò effossos restituit. Moritur deinde
anno D.CC.XL. cum vitam solam propter No-
rimbergam egisset. Funus feri tauri duxerunt.
Adeò omnia alia domat, quisquis carnem. Ex
Bav. S. Raderi.

*Ah quando tantum Deo, quantum mundo? quando
tantum calo, quantum terra? quando tantum virtuti,
quantum vitiis fragilitas humana famulatur? Totus
homo sic carni deditur, ut nihil in se, quod divinis bonis
deserviat, derelinquat. S. Pet. Chryf. serm. 114.*

S. BERNARDUS ABB. 20. Augusti.

BERNARDUS est, ille (invidete Mariani) Dei
collactaneus, quem mater cum utero ferret,
catellum putavit, sed pro Ecclesiâ latraturum.
Puero puer CHRISTVS nocte Natalitiâ visus est,
nobilius omni die spectaculum. Adolescens quòd
oculum in feminam defixisset, in rigentes aquas
insiliit, incendia aquis præventurus. Aliàs cum
ejus pudori insidias hospita strueret, *latrones, latro-
nes* iterum iterumque clamavit, ratus dirissimos
prædones esse, qui animum castitate exuerent.
Hinc ad Cisterciense Monasterium XXX. secum
socios traxit. Hos inter cum fratres omnes BER-
NARDI præter Nivardum natu minimum essent,
& huic Guido natu maximus inter valedicendum
dixisset: *Eie frater te unum jam hereditas p.terna
spectat*; supra omnes senes doctè puerulus respon-
dit: